

ausß rechtem bußfertigem Herzen gehet/ kan auch dergestalt durch vernünftige Christliche Personen geschehen/ daß der/ von dem es kömmt/ keine böse nachrede davon zufürchten hat. Besetzt aber/ es gebe vngleiche iudicia vnd nachreden/ so ist es je weit besser vnd erträglicher an zeitlicher Ehr ein Wündlein/ so sich endlich selbst verleuret/ als eine vnheilsame ewige Wunde im Gewissen haben.

So sene nun jederman/ dem frembdes Gut sein Gewissen verwundet hat/ trewlich vermahnet vnd thue es bey zeit von sich/ vnd scherze nicht mit dem/ was ihm jeso vortragen: denn es ist einmal Gottes Wort vnd Befehl/ damit sichs nicht scherzen lasset: ja Gott lasset sich nicht spotten/ sagt der Apostel. Du/der du vielleicht jeso denckest: D man mag mir viel von widergeben sagen/ es ist mir vngelegen/ ich befinde mich bey dem/ was ich ex raptu vnd mit vnrecht habe/ gar wol/ habe keine Anfechtung im Gewissen &c. solst versichert seyn/ daß die Stunde kommen wird/da dir alle Heller vnd Pfening/so du mit schlimmen Griffen an dich gezogen/ angst vnd bang gnug machen werden: geschichtes nicht eher/ so hast du es doch in deinem Todtbette zugewarten/ da dir der Satan auß dem/ das dir jeso kaum ein Stäublein ist/ wird grosse Berge machen/ vnd du gnug zuthun haben wirst/ solt du der Verzweiffung entgehen/ wie man denn schreckliche Exempel hat/ daß solche Leute/ denen das frembde Gut im Gewissen gelegen/ in der That desperirt vnd verzweiffelt.

Des stirbt sich übel/ sagt ein Gottseeliger alter Theologus, es fasset sich übel/ was man von Trost auß Gottes Wort sagt/ weñ man vnrecht Gut/ geraubt Gut/ gestolen Gut/ gewuchert Gut in den vier Pfälen oder im Kasten hat/ vnd das Herz davon beschweret vnd gedrucket ist &c. Darumb spare deine Buße nicht dahin/ entlade dich heutte der Last/ so hast du Morgen ruhe/ mache dich loß von der Vngerechtigkeit/ weil du gesund bist/ so wirst du frey seyn/ wenn du krank bist/ vnd also mit Fried vnd Freyd im Glauben hinfahren können/ auch die Stunde/ da du zum widergeben ermahnet worden/ glückselig/ noch glückseliger die Stunde/ da du gehorsamet vnd guten rath angenommen/in alle Ewigkeit preisen.

Gott der himlische Vatter regiere vns samtllich durch seinen Heiligen Geist/ daß wir mit zeitlichen Gütern in dieser Welt also vmbgehen/ daß wir die ewigen dabey nicht verscherzen/ sondern dieselbe mit allen

3.
Confolatorius.